

## OPĆINA TEŠANJ



### Zapisnik sa pete sjednice Savjeta za lokalni ekonomski razvoj (SLER)

|                                      |  |                                    |                 |                                      |                     |                       |                       |                  |                      |                       |               |                      |                    |
|--------------------------------------|--|------------------------------------|-----------------|--------------------------------------|---------------------|-----------------------|-----------------------|------------------|----------------------|-----------------------|---------------|----------------------|--------------------|
| <b>Datum i vrijeme</b>               | ▪ 13. februar, 2016. godine, od 10:00-13:00h   |                                    |                 |                                      |                     |                       |                       |                  |                      |                       |               |                      |                    |
| <b>Mjesto</b>                        | ▪ Sala Općinskog vijeća, Općina Tešanj   |                                    |                 |                                      |                     |                       |                       |                  |                      |                       |               |                      |                    |
| <b>Zapisničar</b>                    | Muhamed Džihić   |                                    |                 |                                      |                     |                       |                       |                  |                      |                       |               |                      |                    |
| <b>Prisutni</b>                      | <table style="width: 100%; border: none;"> <tr> <td style="width: 50%;">1. Suad Huskić, Predsjednik SLER-a</td> <td style="width: 50%;">7. Ismar Alagić</td> </tr> <tr> <td>2. Senad Brka, Podpredsjednik SLER-a</td> <td>8. Mirsad Šaranović</td> </tr> <tr> <td>3. Hamzalija Hojkurić</td> <td>9. Mahmut Galijašević</td> </tr> <tr> <td>4. Senad Subašić</td> <td>10. Ibrahim Krdžalić</td> </tr> <tr> <td>5. Muharem Berberović</td> <td>11. Suad Roša</td> </tr> <tr> <td>6. Muharem Saračević</td> <td>12. Ruža Vlajković</td> </tr> </table>  | 1. Suad Huskić, Predsjednik SLER-a | 7. Ismar Alagić | 2. Senad Brka, Podpredsjednik SLER-a | 8. Mirsad Šaranović | 3. Hamzalija Hojkurić | 9. Mahmut Galijašević | 4. Senad Subašić | 10. Ibrahim Krdžalić | 5. Muharem Berberović | 11. Suad Roša | 6. Muharem Saračević | 12. Ruža Vlajković |
| 1. Suad Huskić, Predsjednik SLER-a   | 7. Ismar Alagić  |                                    |                 |                                      |                     |                       |                       |                  |                      |                       |               |                      |                    |
| 2. Senad Brka, Podpredsjednik SLER-a | 8. Mirsad Šaranović  |                                    |                 |                                      |                     |                       |                       |                  |                      |                       |               |                      |                    |
| 3. Hamzalija Hojkurić                | 9. Mahmut Galijašević  |                                    |                 |                                      |                     |                       |                       |                  |                      |                       |               |                      |                    |
| 4. Senad Subašić                     | 10. Ibrahim Krdžalić   |                                    |                 |                                      |                     |                       |                       |                  |                      |                       |               |                      |                    |
| 5. Muharem Berberović                | 11. Suad Roša  |                                    |                 |                                      |                     |                       |                       |                  |                      |                       |               |                      |                    |
| 6. Muharem Saračević                 | 12. Ruža Vlajković   |                                    |                 |                                      |                     |                       |                       |                  |                      |                       |               |                      |                    |
| <b>Odsutni</b>                       | 1. Venan Hadžiselimović 2. Nazif Hamzić 3. Rusmir Hrvić  |                                    |                 |                                      |                     |                       |                       |                  |                      |                       |               |                      |                    |
| <b>Dnevni red</b>                    | <ul style="list-style-type: none"> <li>▪ Usvajanje zapisnika sa četvrte sjednice SLER-a</li> <li>▪ Informacija o usvajanju Strategije razvoja 2013-2018</li> <li>▪ Prezentacija Analize usklađenosti obrazovanja sa potrebama na tržištu rada</li> <li>▪ Informacija o investicijama u poslovnu i drugu infrastrukturu 2015-2016</li> <li>▪ Informacija o općinskim poticajima</li> <li>▪ Plan rada SLER-a za 2016. godinu</li> <li>▪ Prijedlog novih inicijativa</li> </ul>   |                                    |                 |                                      |                     |                       |                       |                  |                      |                       |               |                      |                    |
| <b>Sažetak sastanka</b>              | <p><b>AD 1.</b><br/>Predsjednik SLER-a otvorio petu sjednicu SLER-a i iznio dnevni red na usvajanje. Mirsad Šaranović predložio da se Plan rada SLER-a za 2016. g. sa šeste uvrsti na drugu tačku dnevnog reda. Prijedlog dnevnog reda sa predloženom izmjenom iznesen na glasanje i jednoglasno usvojen.</p> <p><b>AD 2.</b><br/>Iznesen na diskusiju zapisnik sa četvrte sjednice SLER-a. Niko od prisutnih nije diskutovao te je Predsjednik SLER-a iznio usvajanje zapisnika na glasanje. Zapisnik sa četvrte sjednice SLER-a je jednoglasno usvojen.</p> <p><b>AD 3.</b><br/>Predsjednik SLER-a otvorio diskusiju o Planu rada SLER-a za 2016. g. Muharem Saračević uzeo riječ i predložio da se u Planu rada tretira sport na području općine Tešanj. Predsjednik SLER-a iznio mišljenje da sport nije relevantna tema i da bi onda po istom principu trebalo razmatrati kulturu ili slične teme te da fokus treba da bude isključivo na teme direktno vezane za lokalni ekonomski razvoj. Ismar Alagić je istakao da je Plan rada izrađen u saradnji Općine i TRA Agencije i predložio da se u Plan rada uvrsti informacija o realizaciji Sajma privrede Tešanj 2016. i informacija o komunalnom redu i stanju u komunalnom sektoru na općini Tešanj. Mirsad Šaranović predložio da Općina ili TRA organizuje predstavljanje javnih poziva i poticaje po raznim osnovama ljudima i poslovnom sektoru. Na predstavljanje po potrebi pozvati i predstavnike institucija koje raspisuju javne pozive i dodjeljuju poticaje. Ibrahim Krdžalić zatražio objašnjenje podjele tema u Planu rada po kvartalima, značenje skraćenica poput MEG te predložio da se u Plan rada uvrsti tema „pravci daljeg rada i razvoja TRA Agencije“. Predsjednik SLER-a pojasnio da su teme u Planu rada raspoređene prema već definisanom vremenskom planu i projektnim ciklusima koji su neovisni o kalendarskom vremenskom okviru, a pojašnjenje skraćenih naziva tema u Planu rada se može naknadno poslati na zahtjev. Po prijedlogu Ismara Alagića u vezi informacije o komunalnom redu i stanju u komunalnom sektoru Predsjednik SLER-a predložio da se tretirati na način da KP RAD Tešanj povremeno dostavlja informaciju SLER-u o stanju u komunalnom sektoru općine Tešanj.</p> |                                    |                 |                                      |                     |                       |                       |                  |                      |                       |               |                      |                    |



Mahmut Galijašević predložio da se u Plan rada uvrsti i informacija o ekonomskim pokazateljima kako bi se imao uvid u trendove razvoja privrede uopće a i po najznačajnijim privrednim sektorima. Hamzalija Hojkurić iznio stav da je SLER privredni savjet i da se u Planu rada držimo samo tema iz privrede.

Nakon diskusije Predsjednik SLER-a je iznio na usvajanje sljedeće prijedloge:

- TRA Agencija će organizovati prezentaciju javnih poziva i poticaja za sve interesne skupine;
- TRA Agencija će pripremiti format za praćenje ekonomskih pokazatelja, i kvartalno informaciju o ekonomskim pokazateljima dostavljati članovima SLER-a;
- JKP RAD Tešanj će povremeno dostavljati SLER-u informaciju o komunalnom redu i stanju u komunalnom sektoru. Prijedlozi su jednoglasno usvojeni.

Predsjednik SLER-a je predložio da se u Plan rada SLER-a u drugi kvartal uvrsti prijedlog Ibrahima Krdžalića „pravci daljeg rada i razvoja TRA“ i da se u treći kvartal uvrsti prijedlog Ismara Alagića „informacija o Sajmu privrede Tešanj 2016. Prijedlog dopune Plana rada SLER-a je iznijet na usvajanje i jednoglasno je usvojen:

**ZAKLJUČAK 1: Usvaja se Plan rada SLER-a sa dopunom prijedloga za sjednice u drugom i trećem kvartalu.**

**AD 4.**

Predsjednik SLER-a je prezentovao informaciju o realizaciji Strategije razvoja 2013-2016 i otvorio diskusiju.

Mirsad Šaranović komentarisao: realizacija ide u pozitivnom smjeru, ići u javnost sa afirmativnom slikom o razvoju bez pretjerivanja i zbog negativnog ishoda u primanju javnih prihoda, nema jasne valorizacije o mehanizmima raspodjele javnih prihoda prema Općini koji su često nepravedni i na štetu lokalne zajednice.

Muharem Saračević tražio pojašnjenje većih ulaganja u 2015. u odnosu na prethodne i plan za 2016. godinu.

Predsjednik SLER-a pojasnio da je u 2015. g. bio puno veći iznos ulaganja iz donatorskih sredstava.

Ibrahim Krdžalić je iznio saganje sa g. Šaranovićem i pitao za druga navedena ulaganja. Predsjednik je naveo da opširnu informaciju o ulaganjima može dostaviti u formi koju je dostavio i OV te da je umanjeње prihoda u određenoj mjeri nadoknađeno kroz sredstva donatora čija je vrijednost u 2015. g. bila oko 4 miliona KM.

Mahmut Galijašević istakao je da se strateški ciljevi trebaju prilagođavati novonastaloj situaciji i potrebi kao i u poslovnom sektoru. Strategija razvoja se treba dopunjavati i prilagoditi prema potrebama i to inicirati kroz javne rasprave ili SLER. Predsjednik SLER-a se složio sa g. Galijaševićem i naveo da se ta potreba vidi u ovoj fazi implementacije, ali da je za to još preuranjeno. Postoji razmišljanje da se ide sa prijedlogom OV za reviziju Strategije ali da je izvjesnije da će se sa prijedlogom ići krajem naredne godine kada će i implementacija Strategije biti u drugoj polovici.

Nakon diskusije jednoglasno je donesen:

**ZAKLJUČAK 2. Usvaja se informacija o realizaciji Strategije 2013-2018.**

**ZAKLJUČAK 3. SLER ukazuje na mogućnost da se u narednom periodu a na osnovu realne potrebe pokrene postupak revizije Strategije razvoja 2013-2018.**

**AD 5.**

Almir Ramić, član Općinskog tima za izradu Analize usklađenosti obrazovnog sektora sa potrebama na tržištu rada prezentovao Analizu, nalaze i preporuke.

Muharem Saračević komentarisao: vidljiv nedostatak materijalno-tehničkih sredstava za kvalitetniji rad i obuku u školama, potrebno više sinergije između svih aktera u podršci obrazovnom sektoru, treba više ulagati u obrazovanje koje je vrlo značajno za budućnost lokalne zajednice.

Muharem Berberović iznio zapažanje da nedostaju 3 člana SLER-a iz privrednog sektora i da je za značajniju raspravu potrebno osigurati prisustvo svih.

Mahmut Galijašević predložio da se organizue tematska sjednica na kojoj bi se raspravljalo o Analizi.



Predsjednik SLER-a podržao prijedlog g. Galjaševića, predložio da se dostavi Analiza svim članovima i da se kvalitetnija rasprava osigura na tematskoj sjednici. Nakon diskusije jednoglasno je usvojen:

**ZAKLJUČAK 4. Za kvalitetniju raspravu i zaključke o Analizi organizovati tematsku sjednicu SLER-a u naredni mjesec dana na koju će se pored članova SLER-a pozvati predstavnici obrazovnog i privrednog sektora kao i predstavnici drugih relevantnih institucija.**

**AD 6.**

Predsjednik SLER-a prezentovao investiranje u poslovnu i drugu infrastrukturu u 2015. i plan za 2016.g. Suad Roša postavio pitanje u vezi putne trase u Poslovnoj zoni Glinište.

Predsjednik SLER-a pojasnio pravac i spomenuo da je moguća izmjena pravca trase ali je za to potrebna izmjena Regulacionog plana i dopuna projektne dokumentacije a to traje najmanje 6 mjeseci. Senad Brka tražio informaciju o aktivnosti na uređenju priključenja sa magistralnog puta M4 u Poslovnu zonu Ciglana i inicijativi za uređenje poslovne infrastrukture na prostoru između Ljetinića i Tešanjke gdje je locirano nekoliko poslovnih subjekata.

Predsjednik SLER-a pojasnio da je priključak sa M4 na PZ Ciglanu isprojektovan a da Ceste Federacije BiH još ništa nisu pokrenule jer je to u njihovoj nadležnosti. Pitanje uređenja infrastrukture u Ljetiniću će se uzeti u razmatranje i da će se shodno budžetskim mogućnostima pokušati izdvojiti dio sredstava iz općinskog budžeta i da se uz učešće privrednika jedan dio infrastrukture uradi u toku 2016.g. Naglasio je da su prioriteti PZ Glinište i Bukva.

Muharem Berberović spomenuo je problematiku i plan za obezbjeđenje dodatnog parking prostora.

Predsjednik SLER-a potvrdio je da je parking prostor aktuelna tema i da se ide sa investiranjem u uređenje prostora ispred Centra za kulturu i obrazovanje u okviru kojeg će biti obezbijeđeno novih 26 parking mjesta.

Pošto nije bilo više diskusije Predsjednik SLER-a je ostavio mogućnost da se sva dodatna pitanja mogu postaviti direktno i mimo sjednice, ili zakazati sastanak na ove teme. Diskusija je završena, zaključena je ova tačka dnevnog reda i jednoglasno prihvaćen:

**ZAKLJUČAK 5. Prihvata se informacija o investiranju u poslovnu i drugu infrastrukturu u 2015 i 2016.**

**AD 7.**

Hamzalija Hojkurić predstavio informaciju o općinskim poticajima po svim oblastima pojedinačno.

Predsjednik SLER-a otvorio diskusiju. Ismar Alagić spomenuo svečano otvorenje ureda za podršku privredi i investitorima (One stop shop) na kojem je prisustvo potvrdio i Martin Šider ispred Delegacije EU u BiH. Naveo je da je i ovaj ured jedan vid podrške privrednom sektoru u Tešnju. Nakon završene diskusije jednoglasno je usvojen:

**ZAKLJUČAK 6. Prihvata se informacija o općinskim poticajima.**

**AD 7.**

Predsjednik SLER-a prepustio prisutnim da predlažu nove inicijative.

Muharem Berberović otvorio pitanje edukacije i prezentacije o EU i drugim fondovima. Spomenuo je da privrednicima konsultatnti nude izradu projekata uz naplatu bez obzira dali projekti bili odobreni.

Ismar Alagić odgovorio da je TRA Agencija već organizovala prezentaciju fondova i angažovala privatnu konsultantsku agenciju sa ekspertom iz Slovenije da predstavi fondove i ponudi saradnju. Istakao je da je samo mali broj firmi se odazvao a da ni jedna nije iskazala interes za razradu projekata.

Predsjednik SLER-a predložio da se ova tema dalje usaglašava kroz temu daljeg pravca rada i razvoja TRA Agencije na budućoj sjednici SLER-a.

Ibrahim Krdžalić prokomentarisao problematiku kladionica i dao prijedlog da se ograniči njihov rad i djelovanje, te da se udalje na manje atraktivne lokacije i što dalje od čaršije i škola.

Predsjednik SLER-a spomenuo da je već slao dopis nadležnim institucijama i istakao da Općina nema nikakve nadležnosti za to već da je njihov rad regulisan Federalnim zakonom o igrama na sreću.

Nakon diskusije zaključena je zadnja tačka dnevnog reda.

Sjednica završena u 13:00 h.